

## Y PWYLLGOR SAFONAU

Cofnodion y cyfarfod a gynhaliwyd ar 8 Mawrth, 2017

**PRESENNOL:** Aelodau Annibynnol

Mr Michael Wilson (Cadeirydd)  
Mr Islwyn Jones (Is-Gadeirydd)  
Mrs Denise Harris Edwards  
Mrs Dilys Shaw

**Yn cynrychioli'r Cyngor Sir**

Y Cynghorydd Trefor Lloyd Hughes, MBE  
Y Cynghorydd Dafydd Rhys Thomas

**Yn cynrychioli Cyngorau Tref a Chymuned**

Y Cynghorydd John Chorlton  
Y Cynghorydd John Roberts

**WRTH LAW:** Pennaeth Swyddogaeth (Busnes y Cyngor)/Swyddog Monitro  
Cyfreithiwr (Llywodraethu Corfforaethol) (MY)  
Swyddog Pwyllgor (SC)

**YMDDIHEURIADAU:** Dim.

---

### 1 DATGANIAD O DDIDDORDEB

Ni dderbyniwyd unrhyw ddatganiadau o ddiddordeb.

### 2 COFNODION Y CYFARFOD DIWETHAF

Cadarnhawyd bod cofnodion drafft y cyfarfod o'r Pwyllgor Safonau a gynhaliwyd ar 14 Medi, 2016 yn gywir.

**Materion yn codi o'r cofnodion -**

**Eitem 2**

**Cyngorau Tref a Chymuned - Gwefannau**

Holodd yr Is-Gadeirydd a yw Ombwdsmon Gwasanaethau Cyhoeddus Cymru wedi ymateb ynglŷn â'r camau a gymerir ganddo oni fydd Cyngorau Cymuned wedi cydymffurfio â'r gofyniad i sefydlu gwefan. Dywedodd y Swyddog Monitro nad oedd wedi derbyn unrhyw gyfathrebiad hyd yma gan yr Ombwdsmon ynghylch y mater.

### **Eitem 3**

#### **Y Wybodaeth Ddiweddaraf am Gofrestrau Ar-lein yr Aelodau**

Holodd yr Is-Gadeirydd a ellid gwneud cais ar y cyd am gyllid gydag awdurdodau lleol eraill yng Ngogledd Cymru i ddiweddarau'r ffurflen ar-lein ar gyfer Cofrestru Diddordeb yn y system Modern.Gov, a fyddai'n rhoi'r dewis i Aelodau roi eu manylion i mewn yn ddwyieithog yn y Gofrestr Gymraeg.

Ymatebodd y Swyddog Monitro trwy ddweud bod y Pensaer Gwasanaethau Digidol wedi dweud yn y cyfarfod diwethaf y byddai'n codi'r mater yn rhanbarthol yn y Grŵp Defnyddwyr Modern.Gov, yn y gobaith o gael cefnogaeth gan awdurdodau lleol eraill i ariannu system ddwyieithog ar draws Gogledd Cymru. Nodwyd bod y mater wedi ei drafod yn y cyfarfod Grŵp Defnyddwyr Modern.Gov, ond yn anffodus nid oedd gan unrhyw awdurdodau eraill ddiddordeb yn y cynnig.

Dywedodd y Swyddog Monitro y byddai'n siarad â Swyddog Iaith Gymraeg y Cyngor parthed ffurflen Cofrestru Diddordeb ar-lein ar gyfer Aelodau i holi a ellid gwneud cais am gyllid. Nodwyd y gall Aelodau lenwi'r ffurflenni'n ddwyieithog ar-lein, ond ni allant ond ymateb i gwestiynau sy'n ymddangos yn y Saesneg yn unig.

#### **PENDERFYNWYD:-**

- **Bod y Swyddog Monitro yn codi'r mater gyda Swyddog Iaith Gymraeg y Cyngor i ganfod a oes unrhyw gymorth ariannol ar gael.**
- **Bod y Swyddog Monitro yn ysgrifennu at y Pennaeth Gwasanaethau Democrataidd ar ran y Pwyllgor Safonau, yn gofyn bod meddalwedd ar gyfer defnyddio'r iaith Gymraeg yn cael ei chynnwys yn y pecyn pan ddaw'n amser adnewyddu'r contract Modern.Gov.**

**GWEITHREDU: Fel y nodwyd uchod.**

### **Eitem 4**

#### **Rhaglen Hyfforddiant ddrafft ar gyfer Aelodau Newydd ym Mai, 2017**

Gofynnodd y Cadeirydd bod y Pwyllgor Safonau yn cael rhybudd digonol o ddyddiadau sesiynau hyfforddi ym mis Mai i ganiatáu amser i'r holl Aelodau fynychu.

Dywedodd y Swyddog Monitro fod y Cynllun Hyfforddiant ar gyfer Aelodau Etholedig wedi ei gymeradwyo gan y Cyngor llawn ar 28 Chwefror, 2017 a bod y drafft cyfredol ar gael yn awr ar wefan y Cyngor.

### **3 CWYNIION AM YMDDYGIAD I OMBWDSMON GWASANAETHAU CYHOEDDUS CYMRU**

Cyflwynwyd - adroddiad gan y Cyfreithiwr (Llywodraethu Corfforaethol) ar ffurf matrices diweddarau ar gyfer (a) Cyngorwyr Sir, a (b) Cyngorau Tref / Cymuned.

Dywedodd y Cyfreithiwr (Llywodraethu Corfforaethol) fod cwyn arall wedi dod i law heddiw yn erbyn Cyngorydd Tref / Cymuned, a bod yr Ombwdsmon yn ystyried a yw'n werth ymchwilio i'r gŵyn.

Mynegwyd pryder gan Aelodau ynghylch yr amser a gymerwyd hyd yma i ymchwilio i gŵyn a wnaed ym Medi, 2016 yn erbyn Cyngorydd Tref / Cymuned ac sy'n cael sylw ar hyn o bryd. Cadarnhaodd y Swyddog Monitro bod cynnydd yn cael ei wneud, ond nad oes gan yr Ombwdsmon amserlen benodol ar gyfer delio â'r ymchwiliad.

Gofynnodd yr Aelodau am eglurhad ar natur y cwynion a wnaed yn erbyn Cyngorwyr Sir a Chynghorwyr Tref / Cymuned, ond cadarnhaodd y Swyddog Monitro bod y wybodaeth hon dan embargo. Gofynnodd yr Aelodau eu bod yn cael eu diweddarau ynghylch datblygiadau mewn perthynas â'r cwynion y cyfeirir atynt yn y matrices.

**PENDERFYNWYD:-**

- **Nodi'r adroddiad er gwybodaeth.**
- **Bod y Swyddog Monitro yn diweddarau Aelodau o'r Pwyllgor Safonau bob 3 mis drwy gyflwyno'r matrices cwynion diweddaraf ar y cynnydd a wnaed mewn perthynas â'r cwynion yr ymchwilir iddynt gan yr Ombwdsmon.**
- **Bod y Swyddog Monitro yn rhoi dadansoddiad blynyddol i Aelodau o'r Pwyllgor Safonau ar natur y cwynion a gyfeirir at yr Ombwdsmon.**

**GWEITHREDU: Fel y nodwyd uchod.**

**4 PENDERFYNIADAU PANEL DYFARNU CYMRU**

Cyflwynwyd - adroddiad gan y Cyfreithiwr (Llywodraethu Corfforaethol) a oedd yn cynnwys crynodeb o benderfyniadau diweddaraf Panel Dyfarnu Cymru a wnaed rhwng Ebrill, 2016 a Mawrth, 2017.

Dywedodd y Cyfreithiwr (Llywodraethu Corfforaethol) fod un mater arall wedi ei benderfynu gan y Panel ers cyhoeddi'r rhaglen ar gyfer y Pwyllgor hwn, sef ynglŷn â Chynghorydd o Gyngor Caerdydd. Bydd crynodeb o'r penderfyniad hwnnw'n cael ei gynnwys fel eitem ar y rhaglen ar gyfer y cyfarfod nesaf.

Nododd y Pwyllgor fod y Panel Dyfarnu wedi cyfeirio mater yn ôl i'r Pwyllgor Safonau, gydag argymhelliad o ran cosb, ac roeddent yn pryderu efallai na fyddai Cyngorwyr yn mynd â materion i apel pe bai'r dull hwn o ymdrin â chwynion yn dod yn gyffredin gyda chosbau llymach yn cael eu pennu ar apel.

**PENDERFYNWYD: -**

- **Nodi'r adroddiad er gwybodaeth.**
- **Anfon copi o'r adroddiad at Aelodau Etholedig.**
- **Anfon copi o'r adroddiad at Glercod y Cyngorau Cymuned a gofyn iddynt ei ddwyn i sylw eu Haelodau.**

**GWEITHREDU: Cynnwys penderfyniad a wnaed gan Banel Dyfarnu Cymru ar 2 a 3 Mawrth, 2017 ynghylch Aelod o Gyngor Caerdydd mewn adroddiad ar gyfer cyfarfod mis Medi, 2017.**

**5 DIWEDDARIAD AR BRESNOLDEB YR OMBWDSMON YN FFORWM PWYLLGOR SAFONAU GOGLEDD CYMRU**

Cyflwynwyd - adroddiad gan y Cyfreithiwr (Llywodraethu Corfforaethol) ar ymweliad yr Ombwdsmon i Gyngor Sir Ynys Môn ar 17 Hydref, 2016, pan fynychodd gyfarfod o Fforwm Pwyllgor Safonau Gogledd Cymru. (Y Fforwm). Cafwyd cyflwyniad gan yr Ombwdsmon ac atebodd gwestiynau gan Aelodau'r Fforwm ac Aelodau'r Pwyllgor Safonau.

Cododd yr Ombwdsmon y materion canlynol yn ystod y drafodaeth:-

- Croesewid ymestyn y trefniadau Datrysiad Lleol i Gyngorau Tref / Cymuned.
- Mae nifer y cwynion am Gyngorau Sir wedi gostwng ond mae nifer y cwynion am Gyngorau Cymuned / Tref wedi cynyddu. Mae 3 Chyngor Cymuned yn gyfrifol am un o bob tair o'r holl gwynion am Gyngorau Tref / Cymuned.
- Parheir i ddefnyddio'r prawf dau gam a'i nod yw parhau i gael gwared ag unrhyw gwynion blinderus. Fodd bynnag, mae swyddfa'r Ombwdsmon yn derbyn mwy o gwynion.
- Mae'r rhan fwyaf o gyllideb yr Ombwdsmon wedi ei neilltuo ar gyfer ymchwiliadau iechyd, ond dywedodd yn glir na fyddai'n goddef bwlio, llygredd neu gamddefnyddio grym, h.y. torri'r Côt Ymddygiad ar gyfer Aelodau Etholedig.
- Mae'n credu bod Fforwm Pwyllgorau Safonau Cymru Gogledd o fudd i awdurdodau Gogledd Cymru, a byddai'n falch o gwrdd â'r Fforwm yn fwy rheolaidd os ystyri'r byddai gwneud hynny'n ddefnyddiol.

Codwyd cwestiwn gyda'r Ombwdsmon yn y Fforwm ynghylch a gynigir neu a drefnir hyfforddiant cyfryngu i Aelodau'r Pwyllgor Safonau yng ngoleuni'r gofyniad i wneud mwy trwy'r trefniant datrysiad lleol. Ymatebodd yr Ombwdsmon y byddai hyfforddiant yn fuddiol, yn enwedig felly i gefnogi Gyngorau Cymuned, ond nid oedd adnoddau ar gael i'w ariannu. Dywedodd y Swyddog Monitro y byddai'n trefnu i'r mater gael ei godi yng nghyfarfod nesaf y Fforwm.

Dywedodd y Cyfreithiwr (Llywodraethu Corfforaethol) fod Un Llais Cymru yn datblygu Protocol Datrysiad Lleol drafft, i'w ddefnyddio gan Gyngorau Tref / Cymuned. Mynegodd yr Aelodau bryder nad oedd Un Llais Cymru yn ymgynghori gyda gwahanol bartïon cyn cwblhau dogfen o'r fath fel y gellid cynnwys unrhyw adborth yn y ddogfen ddrafft. Nodwyd y rhennir y Protocol gydag Aelodau cyn gynted ag y derbynnir y fersiwn derfynol gan Un Llais Cymru. Fodd bynnag, nodwyd ymhellach y byddai'r Pwyllgor Safonau wedi hoffi i Un Llais Cymru ymgynghori ag ef ar y drafft cyntaf.

Unwaith y bydd y Protocol Datrysiad Lleol wedi ei weithredu drwy Un Llais Cymru, dywedodd y Swyddog Monitro y gallai'r Pwyllgor Safonau gynnig cymorth ar sut i ddefnyddio'r Protocol i'r Gyngorau Tref / Cymuned hynny sydd â phŵer cymhwysedd cyffredinol.

**PENDERFYNWYD: -**

- **Nodi'r adroddiad.**
- **Dosbarthu copi o Atodiad 2 i Swyddogion Monitro awdurdodau eraill Gogledd Cymru.**
- **Bod y Cyfreithiwr (Llywodraethu Corfforaethol) yn ceisio cadarnhad o'r trefniadau ar gyfer y cyfarfod nesaf o Fforwm Pwyllgorau Safonau Gogledd Cymru.**
- **Bod y Cyfreithiwr (Llywodraethu Corfforaethol) yn cysylltu ag Un Llais Cymru am eglurder ynghylch gyda phwy yr ymgynghorir ar y Protocol Datrysiad Lleol drafft cyn cwblhau'r ddogfen.**

**GWEITHREDU: Fel y nodwyd uchod.**

**6 DIWEDDARIAD AR FABWYSIADU'R CÔD YMDDYGIAD STATUDOL DIWYGIEDIG**

Cyflwynwyd - adroddiad gan y Cyfreithiwr (Llywodraethu Corfforaethol) yn rhoi diweddariad i Aelodau ar Gynghorau Tref / Cymuned yn mabwysiadu Côt Ymddygiad diwygiedig a gynhwysir yn Rheoliadau Awdurdodau Lleol (Côt Ymddygiad Enghreifftiol) 2016 (Cymru).

Dywedodd y Cyfreithiwr (Llywodraethu Corfforaethol) fod 'Mabwysiadu Côt Ymddygiad Diwygiedig' wedi ei drafod yng nghyfarfod diwethaf y Pwyllgor Safonau ar 14 Medi, 2016. 'Roedd yr adroddiad ysgrifenedig hwnnw'n cadarnhau nad oedd 17 o Gynghorau Tref / Cymuned wedi ymateb i gais i gadarnhau eu bod wedi mabwysiadu'r Côt. Ar y pryd, cadarnhawyd bod 12 o'r 17 wedi bod mewn cysylltiad ers i'r adroddiad gael ei baratoi. Felly 'roedd 5 o Gynghorau Tref a Chymuned nad oeddent wedi ymateb.

Cyfeiriwyd at Atodiad 1 yr adroddiad, sy'n amlygu mewn coch y Cynghorau Tref / Cymuned hynny sydd wedi ymateb ers paratoi'r adroddiad ysgrifenedig diwethaf; mae 1 Cyngor Cymuned wedi ymateb, ond nid yw wedi cadarnhau y dyddiad y mabwysiadwyd y Côt. Nid yw'r 3 Chyngor Cymuned a ganlyn wedi ymateb o hyd:

- Cyngor Cymuned Bodorgan
- Cyngor Cymuned Llangristiolus
- Cyngor Cymuned Rhoscolyn

**PENDERFYNWYD: -**

- **Nodi'r adroddiad.**
- **Gofyn i'r Swyddog Monitro ysgrifennu ar ran Cadeirydd y Pwyllgor Safonau i'r 3 Chyngor Cymuned sydd heb ymateb er mwyn eu hatgoffa o'r gofyniad i fabwysiadu'r Côt Ymddygiad diwygiedig, ac i ofyn iddynt anfon copi i'r Swyddog Monitro o gofnodion y cyfarfod lle gwnaed penderfyniad i fabwysiadu'r Côt**
- **Dylid anfon copi o'r llythyr uchod hefyd at yr Aelodau Etholedig Lleol er gwybodaeth.**

**GWEITHREDU: Fel y nodwyd uchod.**

**7 DIWEDDARIAD AR Y CYFLWYNIAD A RODDWDYD I'R FFORWM CYNGHORAU TREF A CHYMUNED**

Cyflwynwyd - adroddiad gan y Cyfreithiwr (Llywodraethu Corfforaethol) ar y cyflwyniad a roddwyd gan Gadeirydd ac Is-Gadeirydd y Pwyllgor Safonau yn y Fforwm Cyngorau Tref / Cymuned ar 24 Tachwedd, 2016 mewn perthynas â 'Materion yn codi o'r Pwyllgor Safonau'.

Trafodwyd y materion canlynol yn y cyfarfod: -

- Mabwysiadu'r Côt Ymddygiad diwygiedig;
- Canllawiau'r Ombwdsmon ar y Côt Ymddygiad diwygiedig;
- Gofynion ar Gyngorau Tref / Cymuned mewn perthynas â chofrestru diddordebau personol;
- Adolygu'r Cofrestrau o Ddiddordebau;
- Cyflwyniad yr Ombwdsmon yn Fforwm Pwyllgor Safonau Gogledd Cymru;
- Penderfyniadau Panel Dyfarnu Cymru.

Nodwyd bod Clerc y Fforwm wedi anfon copi o'r cyflwyniad at holl Aelodau'r Fforwm yn dilyn y cyfarfod.

**PENDERFYNWYD nodi'r cyflwyniad a roddwyd (fel yn Atodiad 1 i'r adroddiad) a'r diweddariad o ran y camau gweithredu a gwblhawyd, fel y gwelwyd yn yr adroddiad.**

**Gweithredu: Dim**

**8 DIWEDDARIAD AR GOFRESTRAU O DDIDDORDEBAU CYNGHORAU TREF A CHYMUNED**

Cyflwynwyd - adroddiad gan y Cyfreithiwr (Llywodraethu Corfforaethol) yn rhoi diweddariad i'r Aelodau ar yr ymatebion a dderbyniwyd gan y Cyngorau Tref/ Cymuned mewn perthynas â'u Cofrestrau o Ddiddordebau.

Roedd yr adroddiad a gyflwynwyd i'r Pwyllgor Safonau ar 14 Medi, 2016 – 'Adolygiad y Pwyllgor Safonau o Gofrestrau o Ddiddordebau a gedwir gan y Cyngorau Tref / Cymuned' – yn nodi nad yw rhai Cyngorau wedi ymateb i gais am gadarnhad ynghylch sut mae Cyngorau Tref / Cymuned yn cynnal eu Cofrestrau h.y. ar bapur a / neu ar-lein.

Ar 29 Medi, 2016 anfonwyd gohebiaeth at Glercod y Cyngorau sydd heb ymateb. Anfonwyd gohebiaeth hefyd at Aelodau Etholedig Cyngor Sir Ynys Môn sy'n cynrychioli'r ardaloedd lle lleolir y Cyngorau Tref / Cymuned hynny. Nodwyd bod y 5 Cyngor Tref / Cymuned nad oedd wedi ymateb wedi gwneud hynny bellach.

**PENDERFYNWYD: -**

- **Nodi'r adroddiad a'r ymatebion a gafwyd gan Gyngorau Tref / Cymuned.**

- **Bod y Swyddog Monitro yn ysgrifennu at yr holl Gyngorau Tref / Cymuned yn nodi nad yw rhai cyngorau yn cyhoeddi eu Cofrestrau o Ddiddordeb ar lein ar hyn o bryd, a hynny'n groes i'r gofyniad statudol.**
- **Bod y Pwyllgor Safonau yn ysgrifennu at Gyngorau Tref a Chymuned / ym Mawrth, 2018 i gael diweddariad i ganfod pa Gyngorau sydd â gwefan.**

**GWEITHREDU: Fel y nodwyd uchod.**

## **9 CYNGHORAU TREF A CHYMUNED - GWEFANNAU**

Cyflwynwyd - adroddiad gan y Cyfreithiwr (Llywodraethu Corfforaethol) ar y gofyniad statudol i bob Cyngor Tref / Cymuned gael presenoldeb ar y we a chyhoeddi gwybodaeth benodol ar eu gwefannau. Mae'r gofyniad hwn yn berthnasol i'r Pwyllgor Safonau oherwydd gwnaed cwynion am dryloywder mewn Cyngorau Cymuned / Tref, yn enwedig mewn rhai Cyngorau Cymuned nad oes ganddynt adnoddau digonol.

Mae'r adroddiad yn canolbwyntio ar sefydlu pa Gyngorau Tref / Cymuned sydd â gwefan, ac a yw'r Cyngorau nad oes ganddynt wefan ar hyn o bryd yn bwriadu cydymffurfio.

'Roedd yr Aelodau'n pryderu bod rhai Cyngorau Tref / Cymuned angen cymorth i greu gwefan. Awgrymwyd y dylid gwneud cais i Un Llais Cymru i ofyn a fyddent yn codi'r mater ar raglen un o'u cyfarfodydd, a gellid anfon atynt ddolen gyswllt i'r adroddiad hwn ar wefan y Cyngor.

**PENDERFYNWYD: -**

- **Nodi'r sefyllfa ddiweddaraf o ran ymatebion y Gyngorau Tref / Cymuned (Atodiad 1 yr adroddiad);**
- **Nodi cynnwys Canllawiau Un Llais Cymru (Atodiad 2 yr adroddiad).**
- **Bod y Swyddog Monitro yn ysgrifennu at Un Llais Cymru i ofyn a ydynt yn bwriadu rhoi cymorth i Gyngorau Tref / Cymuned sefydlu gwefannau (ar wahân i'r Canllawiau), neu'n bwriadu eu cynorthwyo i sefydlu dull cydlynol o weithredu?**

**GWEITHREDU: Fel y nodwyd uchod.**

## **10 FIDEO'R OMBWDSMON I AELODAU ETHOLEDIG**

Cyflwynwyd - adroddiad gan y Cyfreithiwr (Llywodraethu Corfforaethol) ynghylch pa Gyngorau Tref / Cymuned sydd wedi cadarnhau eu bod wedi dod â fideo newydd Ombwdsmon Gwasanaethau Cyhoeddus Cymru i sylw eu Haelodau Etholedig.

Adroddodd y Cyfreithiwr (Llywodraethu Corfforaethol) y cafwyd e-bost ym mis Gorffennaf, 2016 gan Gymdeithas Llywodraeth Leol Cymru (CLLC) gyda doleri fideo newydd Ombwdsmon Gwasanaethau Cyhoeddus ar You Tube. Anfonwyd y ddolen at Aelodau Etholedig y Cyngor Sir ar 21 Gorffennaf, 2016. Anfonwyd copi o'r fideo hefyd at Glercod Cyngorau Tref / Cymuned yn gofyn iddynt ddwyn y fideo i sylw eu Haelodau Etholedig ac i adrodd yn ôl i'r Cyngor i gadarnhau'r dyddiad yr

edrychwyd ar y fideo. Hyd yn hyn, dim ond 3 Chyngor sydd wedi cadarnhau'r dyddiadau yr edrychwyd ar y fideo.

**PENDERFYNWYD nodi'r adroddiad ynghyd â'r ymatebion a nodir yn Atodiad 1.**

**Gweithredu: Dim.**

## **11 STRWYTHUR RHEOLI**

Cyflwynwyd - adroddiad gan y Cyfreithiwr (Llywodraethu Corfforaethol) yn amgáu dogfen Strwythur Rheoli i'w chymeradwyo gan y Pwyllgor Safonau.

Adroddodd y Cyfreithiwr (Llywodraethu Corfforaethol) fod y Pwyllgor Safonau, yn ei gyfarfod ar 14 Medi, 2016, wedi trafod fod rhai Aelodau Etholedig yn ansicr pwy oedd yn gyfrifol am wahanol faterion gweithredol o fewn y Cyngor. Mae dogfen Strwythur Rheoli (ar gyfer defnydd mewnol) wedi ei chreu sy'n cynnwys enw, manylion cyswllt a phrif gyfrifoldebau gweithredol pob Pennaeth Gwasanaeth a'r Uwch Dîm Arweinyddiaeth.

Nodwyd y trafodwyd y ddogfen ddrafft yng nghyfarfod anffurfiol y Pwyllgor Safonau ar 8 Rhagfyr, 2016. Gofynnodd yr aelodau o'r Pwyllgor Safonau am i'r ddogfen gynnwys enw a manylion cyswllt Rheolwyr Canol, er mwyn sicrhau nad y Penaethiaid Gwasanaeth fyddai'r pwynt cyswllt cyntaf ar gyfer pob mater. Fodd bynnag, casglodd y Penaethiaid Gwasanaeth y byddai hyn yn groes i BroTOCOL y Cyfansoddiad, sy'n ymdrin â'r berthynas rhwng Aelodau a Swyddogion, ac felly gwrthododd y Penaethiaid Gwasanaeth y cais, ond caiff y mater ei adolygu cyn pen blwyddyn.

**PENDERFYNWYD: -**

- **Nodi'r adroddiad.**
- **Cadarnhau y cymeradwyr y ddogfen yn Atodiad 1.**
- **Cymeradwyo cyhoeddi ffurflen 'Manylion Cyswllt a Chyfrifoldebau Uwch Dîm Arweinyddiaeth a Phenaethiaid Gwasanaeth Cyngor Sir Ynys Môn' ar MonITor ar gyfer staff ac Aelodau'r Cyngor Sir.**

**GWEITHREDU: Fel y nodwyd uchod.**

## **12 NODYN BRIFFIO I AELODAU CYNGHORAU TREF A CHYMUNED AR Y GOFYNIION AR GYFER DATGELU A CHOFRESTRU DIDDORDEBAU PERSONOL**

Cyflwynwyd - adroddiad gan y Cyfreithiwr (Llywodraethu Corfforaethol) a oedd yn atodi Nodyn Briffio a ddisbarthwyd i Glercod Cyngorau Tref / Cymuned ar Rhagfyr 14, 2016 ar y gofynion statudol ar gyfer Cyngorwyr Tref / Cymuned i ddatgelu a chofrestru diddordebau personol.



Gofynnwyd i Glercod Cynghorau Tref / Cymuned ddod â'r Nodyn Briffio i sylw eu Haelodau ac anfon copi o gofnodion perthnasol y cyfarfod pan drafodwyd y mater. Gofynnwyd am gadarnhad o hynny erbyn 20 Chwefror, 2017.

Yn ychwanegol at y 10 a nodir yn y tabl (Atodiad 2 o'r adroddiad), nodwyd bod 4 o Gynghorau Cymuned eraill wedi ymateb ers i'r adroddiad gael ei gyhoeddi, sef Aberffraw, Bryngwran, Llanddyfnan a Phenmynydd.

**PENDERFYNWYD: -**

- **Nodi'r adroddiad a'r Nodyn Briffio yn Atodiad 1.**
- **Bod y Cyfreithiwr (Llywodraethu Corfforaethol) yn ysgrifennu at Glercod y Cynghorau Tref / Cymuned yn gofyn iddynt ddod â'r Nodyn Briffio a'r Côt Ymddygiad diwygiedig i sylw eu Haelodau, pan fyddant yn llofnodi i dderbyn eu swydd yn dilyn etholiadau mis Mai. Bydd copïau o'r ddau ynghlwm wrth y llythyr.**

**GWEITHREDU: Fel y nodwyd uchod.**

**MR MICHAEL WILSON  
CADEIRYDD**